



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ  
ՎԱՐՉԱԿԱՆ ԱԿՏ N 1516613  
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ  
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

02 մայիսի 2022թ.

Ք. Երևան

(կազմման վայրը)

Ակտի հասցեատեր

«ՊԼԱՆԵՏԱ ՖԻՇ» ՍՊԸ

(անհատ ձեռնարկատիրոջ անունը, ազգանունը ( անհատ ձեռնարկատեր նշումով) կամ իրավաբանական անձի անվանումը)

|   |   |   |   |   |   |   |   |
|---|---|---|---|---|---|---|---|
| 0 | 2 | 8 | 2 | 5 | 2 | 5 | 2 |
|---|---|---|---|---|---|---|---|

(հարկ վճարողի հաշվառման համարը ՀՎՀՀ-ն)

Ք. Երևան, Կողբացի 4 4

(անհատ ձեռնարկատիրոջ հաշվառման հասցեն կամ իրավաբանական անձի գրեկվելու վայրի հասցեն)

**Խախտման նկարագրությունը**

ՀՀ ՊԵԿ ՀՕՀ վարչության պետի 20.04.2022թ-ի թիվ 1516613 որոշման համաձայն «Պլանետա Ֆիշ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 21.04.2022թ-ին ժամը 14:00-ին, Արարատի մ. ք. Մասիս-գ. Սիս ճանապարհի կամուրջի հարևանությամբ կայանված՝ ընկերության վարորդ Գրիգոր Սարգսյանի կողմից շահագործվող «Ֆորդ Տրանզիտ» մակնիշի 35 ZZ 395 հաշվառման համարանիշի բեռնատար ավտոմեքենայում առկա էր 160 կգ կենդանի ձուկ «Իշխան»: ՕՀՄ-ի ընթացքում պարզվել է, որ ընկերության կողմից նշված ավտոմեքենան 21.04.2022թ-ին ժամը 13:45-ին բեռնված վիճակում դուրս է եկել Արարատի մ. ք. Մասիս-գ. Ռանչպար խճ. 6/1 հասցեում գործող ընկերությանը պատկանող ձկնաբուծարանից և Արարատի մ. գ. Սիս իրականացվում էր՝ ընդամենը 384.000 ՀՀ դրամ արժեքով 160 կգ. «Իշխան» տեսակի կենդանի ձկան տեղափոխում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 384.000 ՀՀ դրամ արժողությամբ ապրանքների տեղափոխման համար հարկ վճարողի կողմից 21.04.2022թ-ին ժամը 14:00-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև ընկերության տնօրեն Արամ Մխոյանի կողմից 21.04.2022թ-ին տրված գրավոր հայտարարությամբ:

Թիվ 1516613 արձանագրությամբ 22.04.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 29.04.2022թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Պլանետա Ֆիշ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում «Պլանետա Ֆիշ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 384.000 ՀՀ դրամ, որի 50 տոկոսը կազմում է 192.000 ՀՀ դրամ, ուստի օրենսդրական պահանջից ելնելով «Պլանետա Ֆիշ» ՍՊԸ-ի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

### Որոշեցի

1. Հաշվարկել և «Պլանետա Ֆիշ» ՍՊԸ-ին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

|                                                                               | Վճարման<br>ենթակա<br>գումար (դրամ) | Վճարման<br>ուղղությունը | հաշվի համարը |
|-------------------------------------------------------------------------------|------------------------------------|-------------------------|--------------|
| Հարկային օրենսգրքի<br>410-րդ հոդվածով<br>սահմանված տուգանք<br>ընդամենը, որից՝ | 200.000                            | պետական բյուջե          | 900008000490 |

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

**ԻՎ պետ Ա. Մնացականյան**

Վարչական ակտն ընդունող պաշտոնատար անձի  
պաշտոնը, անունը և ազգանունը



ստորագրությունը

Կ.Տ.

**Սրացա ակտի մեկ օրինակը**



ընդամենը 3 էջ

**տնօրեն Արամ Մխոյան**

Ֆիզիկական անձի անունը, ազգանունը  
(անհատ ձեռնարկատիրոջ դեպքում՝ անհատ  
ձեռնարկատիր նշումով) իրավաբանական անձի գործադիր  
մարմնի ղեկավար (գրագրության ընդունման համար  
պարասխանատու անձ՝ հարուկ առաքման դեպքում)

ստորագրությունը

2022թ.

(նշում ակտը ստորագրելուց և (կամ) սրանալուց հրաժարվելու մասին)